

Кому Республикаса том войтырлөн газет



ЙОЛДА

2014
өшым
26-өд
лун

51-52№
(1176-
1177)

6+



Выль 2015 воён!

Тайӧ НОМЕРЫН

Тавося декабрь тӧлысь юр-карса том сылысь Евгения Удавалон лои зэв шуда - сылон петис «Зарни юрсиа ныв» сыланкывъяса медводдза диск.

Унджык сыланкывйыс дискас (а ставнас лоӧ 15) дзик выль, некод на ёнасо эз кывлы.

5
л.б.

Со и Виль 2015 во матыстӧ. Вайӧ тӧдмалам, мый вӧзйӧны миянлы кодзувъяс Кӧза воӧ. Кодлы виччысьны радейтӧм, уна сьӧм да выль вермӧмъяс?

6-7
л.б.

Декабрьн ми - Сыктыв-карса 38 номера школаысь 4 «д» классын велӧдчысьяс, миян велӧдысь Надежда Михайловна Аверина да ӧткымын ныв-зонлон бать-мам - ветлим Архангельск обласьта Яренск сиктын меститчӧм Матушка-Тӧвлӧн резиденцияӧ.

20
л.б.

Виль во - медся кыпид гаж. Медым сы бӧрын колины сӧмын бур казтылӧмъяс, колӧ тӧдны безопасностьт правилӧ, ӧд буретш вильвося гаж дырйи медся «пӧсь» кад би кусӧдчысьлы да бурдӧдысьлы.

23
л.б.



Декабрь 23 лунӧ Коми Республикаса филармониян вильвося гаж вылӧ чукӧртчылысь республикаса кар-районъясысь 200 сайӧ ныв-зон.

ГАЗ

Вильвося мойдын

Таво социальной технологияс сӧвмӧдан шӧрин дасьтис сідз шусяна интегрированной утренникъяс. Ӑтвылысь ворсисны-гажӧдчисны и вермытӧм ныв-зон, и уна челядя семьясысь посни войтыр, и сьӧкыд оласнога семьясысь посниулов. Сідзжӧ вильвося гаж вылӧ волісны Украинаысь беженечьяс.

Гажтӧмтчыны дзюлокъясы эз сетны Кӧдзыд пӧль, Лымнив, Скӧр Турӧб да сылон отсасысьяс - Задира да Верзила. Найӧ ворсӧдісны челядьӧс, разӧдісны гӧснечьяс да козиньяс. Ныв-зон сылысьны да йӧктисны, тӧдмасисны ӧта-мӧдныскӧд, ошйысисны водзвыв дасьтӧм мича костюмъясӧн. А бӧрын быдӧн вермис вӧчны Кӧдзыд пӧлькӧд да сылон внучкакӧд память вылӧ снимок.

Мария ИГУШЕВА.



КОНКУРС

«Россияса Пошталон» Коми юкөн юөртө «Лучший урок письма» став Россияса конкурслон регионса тшупöдын мунөм йылысь. Конкурсыс йитө 100 сюрс сайö челядьöс да матö 1400 велöдысьöс Россияса 82 регионьсь.

Кодлөн лоö медбур удж?

2015 воын медшөр нимпасъясыс татшөм:

«Письмо ветерану»;
 «Письмо первым суворовцам»;
 «Есть такая профессия - Родину защищать».
 Найöс сиöма айму вöсна Ыджыд тышын Вер-
 мөмсянь тшупöда пас тырöмлы.

Чужан мулы сиöm нимпасъяс:

«Россия - Родина моя: я другой такой страны не знаю...»;
 «Народы издревле родные» (сиöма роч да белорус войтырлөн ёртасьöмлы);
 «Горячее сердце» (сиöма отсөг сетны зильысь йöзлы);

«Мой рецепт счастливой семьи»;

«Из глубины веков. Истории и легенды моей семьи».

Олөм бурмөдөм йылысь мөвпъяс:

«Кем я хочу стать, чтобы сделать мир лучше»;
 «Школа будущего»;
 «Истории случаются с теми, кто умеет о них рассказать» (кужан-ö тэ казьявны ас гөгöрсьыд

аслыспөлөстор да висъявны та йылысь мукöд-
 лы);

«Я выбираю спорт».

Велöдысьяслы тшөтш урчитöма нимпас:

«Лучшая методическая разработка проведения Урока письма».

Содртöд нимпасъяс:

С.Я. Маршак нима челядьлы библиотекалөн -
 «Письмо любимому писателю»;
 «Йолöга» газетлөн - «Война кө эськө эз вöв»;
 «Радуга» газетлөн - «Мой друг!».

Конкурс выlö гижöд колö ыстыны локтан вося шонь 30 лунöгз татшөм адрес серти: **167981, Сыктывкар, Ленин улича, 60 керка.** Быть пасйыны: «Лучший урок письма» конкурс выlö. Содртöд юөр позьö аддзыны «Россияса Пошталон» Коми Республикаса юкөнлөн сайтъсь - **www.komiufps.ru**

«Письмо ветерану», «Есть такая профессия Родину защищать» да «Напиши письмо и расскажи о мире» нимпас серти уджъяс колö ыстыны 2015 вося март 1 лунöгз.



ВЫСТАВКА



Декабрь 16 лунö юркарса Коми культура шöринын воссис Удора районлы 85 во тырöмлы урчитöм Сергей Михайлович Гордеевлöн «На земле Удорской» фотовыставка.

Менам Удора


Сергей Михайловичлöн снимокъясын тыдалö чужан му дорö радейтöм, вөр-ва дорö сёлöмсянь матыстчöм. Быд кадр быттö мойдысь серпас.

Удораса фотограф помавлöма Коми пединститутысь физико-математическöй факультет. Уджавлöма школаын, веськöдлöма Усогорск посёлोकын спорт-комплексöн, а сэся 13 во веськöдлöма Удора районса администрацияын спорт да физической культура юкөнöн.

Пенсия вылö петöм бöрын адзöма, мыйöн тыртны прöст кадсö. Со гожöм-ар радейтö вотны тшак да вотös, кыйны чери, и аскöдыс пыр босьтö фотоаппарат! Выставка вылын петкöдлöма фотоархивысь сöмын ичöt пайсö.

Выставка воссян рытö Коми культура шöринын юргисны сьыланкывъяс, уна шоныд кыв висьталісны гөсьгъяс, на лыдын и «Арт» журналлöн главнöй редактор Бутырева Галина Васильевна. Кыв босьтліс и ачыс автор: висьталіс аслас творчество да олöм йылысь.

Выставка позьö донъявны Коми культура шöринын локтан вося январь 22 лунöдз.



«Аттö тэд, Удора менам,
Аттö, мый ме тэнад пи,
Аттö, мый югзьöдö нэмös
Тэнад шань мывкыдлөн би.
Тан колö чужны,
Тан колö кужны
Сёлöмтö ызьбодны нэм:
Удора, Удора,
Кык мича ю дорын,
Вашка да Мозын көн эм».

Альберт ВАНЕЕВ



ВЫЛЬ ПЕТАС

Тавося декабрь тӧлысь юркарса том сылысь Евгения Удалова-валӧн лои зэв шуда - сылӧн петіс «Зарни юрсиа ныв» сыланкывь-яса медводдза диск.

Быд сыланкыв - аслыспӧлӧс

Унджык сыланкывьыс дискас (а ставнас лоӧ 15) дзик выль, некод на ёнасӧ эз кывлы. Но мукӧдыс на пӧвстысь виччысисны нин ассыныс кадсӧ. Евгения, дерт, эз став сыланкывсӧ ӧти кадӧ гиж, сьӧрсӧн-бӧрсӧн со быдса диск вылӧ чукӧрмис.

- Дискас пырті некымын сыланкыв «РК-11» рэп-котыркӧд. Сыланкывьяс артмисны уна сикасаӧсь и тема, и юрганног, и стиль серти, - висьталӧ Евгения. - Шуам, «Гозья» сыланкыв - шуда радейтчӧм да шугсӧ виччысьсӧм йылысь. «Корьяс» - янсӧдчӧм йылысь, аслыспӧлӧсӧн лоӧ «Сантери» сыланкыв - финн зон да коми нывлӧн ёртасьсӧм йылысь, сэнні юргӧ неуна и финн кыв. Кывзысьяс вермасны нин тӧдны «Важӧн эн волы», «Зарни юрсиа ныв», «Ме тэно кора», «Коми радио» сыланкывьяс - найӧ юргылісны концертъяс дырйи, телевидение да радио пыр, а тшӧтш и «Ыбица» фестиваль вылын.


Евгениялысь юалі, мися сьӧкыд-ӧ ӧніа кадӧ лэдзны ассыд диск? Дерт пӧ, сьӧм боксянь тайӧс вӧчны вель сьӧкыд. Но шуда Женялы отсӧг вылӧ воӧма «Коми войтыр» ӧтмунӧм, буретш сэтчӧс водзмӧстчысьяскӧд артмӧма судзӧдны грант Матиас Кастрен нима финн котырянь. Нӧшта тиражлысь юкӧн отсалӧма лэдзны Сыктывдін районса администрация.

Ӧтувезйын «олысь» томуров, дерт, ёна радейтӧны Евгения Удаловалысь сыланкывьяссӧ, вель тай уналӧн нин «ВКонтакте» социальной сетьялӧн лист бокъясас юргӧ енбиа нывлӧн гӧлӧсыс.

- Уна во виччысц, кор лоас поэзалун кутны кыян ассым альбом, тайӧс поэзӧ шуны кутшӧмкӧ тшупӧдӧн водзӧ, - кывкӧрталіс ныв.

Ми тшӧтш чолӧмалам Евгенияӧс «пӧсь пӧжасӧн», чайтам, сылӧн енбиа «пачысь» оз на ӧти диск нимкодъмӧд миянӧс - коми сыланкыв радейтысьясӧс.

Галина МАКАРОВА



Евгения Удалова
Зарни юрсиа ныв

1. ВАЖӦН ЭН ВОЛЫ (ДАВНО ТЕБЯ НЕ БЫЛО)
2. СЫВТЫР ШУД (ОЖАЛКА СЧАСТЬЯ)
3. ЗЭР (ДОЖЛЬ)
4. МЕ ТЭНО КОРА (Я ТЕБЯ ПРОШУ)
5. РАДЕЙТЧӦПЛӦН ЧУЖАН ЛУН (ДЕНЬ РОЖДЕНИЯ ЛЮБВИ)
6. ЗАРНИ ЮРСИА НЫВ (ДЕВУШКА С ЗОЛОТЫМИ ВОЛОСАМИ)
7. КОРЬЯС (ЛИСТЬЯ)
8. ГОЗЬЯ (ПАРА)
9. САНТЕРИ
10. ВОЙ (НОЧЬ)

«РК-11» котыркӧд (с группой «РК-11»):

11. ТӦВСЯ (ЗИПНЯ)
12. АДДЫЗЬЛЫТӦДЗ (ДО СВИДАНИЯ)
13. РАДЕЙТА (ЛЮБЛЮ)
14. ЛО ПЕКӦД (БУДЬ СО ПНОЙ)
15. КОМИ РАДИО

АЛДӦДКОДСКІ ІЗДАНА ПРЫ ФИНАНСОВОЙ ПӦДДЕРЖКЕ ОБЩЕСТВА М. ВАСТРЕНА (ФИНЛЯНДИЯ) И АДМИНИСТРАЦИИ СЫКТЫВДІНСКАГО РАЙОНА РЕСПУБЛИКИ КОМИ

ИЗДАТЕЛЬ: ООО «ТЕЛЕСЕТЬ ВОЛГА»
© ЕВГЕНИЯ УДАЛОВА. ВСЕ ПРАВА ЗАЩИЩЕНЫ.
ВЛ. ПОЧТА: EVKOMI@MAIL.RU
СЫКТЫВАР. 2014

ЕВГЕНИЯ УДАЛОВА. ЗАРНИ ЮРСИА НЫВ. 2014





Поктан 2015 во кежлө асыввывса

ГОРОСКОП



Крыса

2015 волөн медводдза джын-йын радейтчөмлы кад оз ло, медшөрөн лоө удж да велөдчөм. Ёна уджалгад кад колявны мусукыдкөд оз ло - таысь вермасны лоны зыксьомъяс. Велөдчөмын да уджын ставыс бур: выль мөвпгъяс өдийө пөртсясны олөмө. 2015 во ваяс уна вежсьом. Тэ енбиа, и лооны йөз, кодъяс тайөс вылө донгъяласны.



Тигр

Лоө позянлун вуджны выль керкаө, ньобны му. Радейтчөмын пинь-кось вермас дзикөдз кусөдны сьолөмкыломтө. Велөдөмын да уджын ставыс лөнь. Сьом боксянь кокньод лоө волөн медводдза джынйө. Зиль пөртны олөмө ассьыд могъястө, а сэсся ставыс артмас.




Гундыр

Медводз тэнад удж да велөдчөм, а сэсся семья. Кутшөм олөм нө радейтчөмтө? Эм кө сийө тэнад морөс кудъяд - видз ставын-эбөснад. Во заводитчигөн позьө кокниа вежны мыйкө аслад олөмысь. Таын медшөр помкаыс - сьом. Во чөж ло дасьөн быдтор кежлө.




Өш

2015 во заводитчөм - бур кад радейтчөмлы. Важся ёрт дорө сьолөмкылом вермас öзйыны ыджыд бипур моз. Сөмын бур мөвп-көсйөмөн водзө мунан да кышалан уджын. Сьом боксянь дзескыдджык лоө волөн мөд джынйө. Олөмын быдсямаыс вермө лоны, но сьөкылун дырйи төд: «Туйтө венас мунысь».



Кань (Кролик)

Быд лун лоө тырөма радейтчөмөн, романтикаөн - тайө инмө сөмын на өта-мөдөс аддзөм ныв-зонлы. Велөдчөмын да уджын ставыс кокниа артмас. Тэно кытшалоны сөмын отсөг сетны зильысь ёртгъяс. Повтөг вөзйи ассьыд мөвпгъястө да колана ногөн уджав - ставыс артмас.



Змей

Радейтчөмкөд йитчөм мытшө-да кытшысь петны лоө сьөкыд. Велөдчөмын да уджын колана ногөн ставыс артмас. Тэныд отсаласны пыдди пуктана йөз, да



и ёртгьяссыд мыччасны кинисö. Унатор, мый вöчан öни, коркö ковмас. Сьöмön прöста сідз-тадз эн шыблась. Во чöж медводз мөвпышт, а сэсся нин вöч кола-на воськов.



Вöв

Семья тэныд меддонайс. Велöдчöмын да уджын кö лоö позянлун выльторйö кутчысьны, дыр эн мөвпав. Мойвиас сьöм боксянь. Во чöж тэ «старт вылын» - кöть и чинтан öдтö, нинöм вылö видзöдтөг быгть лоан лидерön. Шудыс тэныд нюмъялö.



Кöза

Во заводитчигön радейтчöмыд сöмын крепаммас, но арнас нин сьöлöмкылöмыд вермас слабмыны. Велöдчöмын да уджын став сьöкыдыс кольöма, а водзын сöмын интереснойтор да сьöм содöм. Кöза во ваяс сöмын бурланьö вежсьöм. Во чöж ов: «Коді водз чеччö, сылы Енмыс сетö» девиз серти.



Öблезяна

Радейтчöмын нинöм оз вежсьы. Повтөг босьтчы выль уджö, выль мөвпö, а Кöза во отсалас бырöдны став ковтöмторсö. Медбур кад - волөн медводдза джынйис, тшöтш и сьöм боксянь. Колö пырöдчыны спортö да унджык кад вичмöдны дзоньвидзалуныды.



Петук

2015 во - кывкутана кад. Унаön вежасны оланінсö либö вуджасны овны мöд карö. Во заводитчигön верман аддзыны выль радейтчöм. Велöдчöмын да уджын кö мөвпавлин видлыны сямтö мöд карын, то тайö кöсийöмыс збыльмас. Выль йöз, уналаö ветлöм вермасны вежны олөмтö. Сьöм боксянь во заводитчöмыс бур.

謹
賀
新
年



Пон

Унатор вежсяс олөмад. Тулысарын велöдчöмад да удж вылад лоö лөнь. Верман видлыны асьтö выль хоббиын. Во помын сьöкыдджык лоö сьöм боксянь. 2015 воын видз дзоньвидзалунтö, тшöкыдджыка ветлы спортзалö.



Порсь

Медводз мөвпав матысса йöз йылысь. Радейтчöмын ставыс лоö бур, а öтка морт аддзас аслыс сьöлöм косьтысьсö. Быдлаö кö удитан, мойвиас и велöдчöмын, и уджын, и семьяын. Торйön нин творчествоа йöз унатор сяммасны вöчны, налön уна колана мөвп чужö. Сьöм боксянь мойвиас волөн мöд джынйö, сэки жö эн вунöд дзоньвидзалун йывсьыд.





5 №

декабрь 26 лун

2014 во

Аттё, Удора!



Декабрын Удора районса Косланын меститчём А.Е.Ванеев нима шёр библиотека квайтёдысь чукёртліс том литераторьясёс. Волісны Кёрткерёс, Емдін да Удора районса енбиа челядь. Водзджык вёлі юёртёма медбур гижод да серпас дасьтан конкурс йылысь. Косланё корисны вермысьясёс.

Библиотекаса уджалысьяс нүдёмәоьс ыджыд удж - бура дасьтысьмәоьс тайё лун кежлас. Ыджыдвидзса, Одыбса, Айкатыласа, Туискерёсса, Косланса, Усогоркса, Гловоса велёдчысьяскөд уджалісны гижысьяс: Станислав Новиков (роч челядькөд), художник Юрий Лисовский (серпасасьысьяскөд) да ме - Елена Афанасьева (коми челядькөд). Поводяыс вёлі зэв көдзыд, та понда Черныбысь да Важгортысь челядь эз вермыны локны.

Челядьлы, велөдысьяслы да мукөд районса библиотекарьяслы чукёртчөмыс воёма сёлөм выла-ныс.

Аттё, Удора, гижан уджын да серпасасьёмын челядьлы кужанлун сөвмөдны позянлун сетөмысь!

Елена АФАНАСЬЕВА



МИЯН ГӖСЬТ

Екатерина Соколова чужис Сыктывкарын. Ӧні олӧ Москваын. Тӧдса сэтчӧс уна том гижыськӧд. Сыктывкарӧ воливлӧ быд во, аддзысьлӧ том поэтъяскӧд. Таво лыддис кывбуръяс И.А. Куратовлы сиӧм марафон дырйи. Гижӧ рочӧн, но комисӧ бура тӧдӧ и корсьорӧ пыртӧ кывбуръясас коми кывъяс. Татшӧм «ворсӧдчӧмыс» вӧчӧ гижӧдъяссӧ аслыспӧлӧсӧн.

Екатерина ёртъясыскӧд - Ксения Чарыевакӧд да Денис Крюковкӧд - окотапырысь ыстисны кывбуръяссӧ «Ы» литература петасӧ.



Екатерина СОКОЛОВА

xxx

вылыс эжваса быдӧн юӧ аслас кӧшысь
улыс эжваса тайӧ черисӧ босьтас, эсийӧс лӧдзас
висерса видзӧдӧ гӧсьт вылӧ веськыда
емдінса шыасьӧ сы дорӧ меліа кысатей
изьватас сӧйӧ лӧня, бергавтӧг
печораса водз чеччӧ мунны вӧрӧ
радейтӧ шоныдсӧ, кинас ӧвтчӧ лӧбач моз
луздорса лӧптӧ ӧшиньтӧм ляпкыд сруб, вомгорулас мургӧ-сьылӧ
сыктывса пукалӧ ывлаын, сӧрнитӧ оз аслас гӧлӧсӧн
вӧрын тувчалӧ видзчысьӧмӧн
удораса югыд чужӧма, ветлӧ чӧла
удорасалӧн изйыс мыня

аддзы менӧ

Ксения ЧАРЫЕВА



xxx

йөв дугдө лоны йөлөн
муслун олөмөн
кыв лоөмторйөн

ставныс кодös ме төдi лоины йөлöга кодь ылынöсь
аддза найö öткөн сулалöны аддза
кыдзи мыгөр берданыс öдва лолалö бус
аддза туй вылын көльöса вир

вöt дугдө лоны сьөлөм личөн
пу оз нин чуймөд

ставныс, кодi менö тöдiс видзöдлiсны öта-мөд выланыс и вошисны



Денис КРЮКОВ

xxx

Стеклö вылын чездöмин лунысь-лун кайö вывлань,
Инмөдчи сьö: лолалö тай, кылö.
Поткöдiс йöрсö, судзöдчис енэж чуркйöдз,
Босьта фломастер, рисуйта сылы
Борд да гырысь син -
Артмас юрсигусь.
Лэб, кытчöдз эз жугöдны.

xxx

Ном ныра здукьяс,
Бульдог-часияс, жираф-луньяс.
Мый мен кисьяс? Ме босьта синмөн -
Менам мудзöм голиафьяс.
Зепта енкöла, сийö артмöма киясысь,
Инмөдчöм йылысь казьятылöмысь.
Чирк зэвтiс турунвиж ньöвсö,
Чеччыштiс - и веськалiс юльö.

Арся клён - нерсьысь, чикля,
Восьтiс ключнас тыдавтöм öдзös.
Керкаяс öшалöны са сьöд пемыдас,
Бытьтöкö табак видзан дозйын.



Алёна СТАРЦЕВА

Зарни чиръяс

Лысытан көзаясным висьмисны. Өтиыс кулі, мөдсө начкыны ковмис. Коймөдыс өдва сулалө кок йылас, кыз кадсө куйлө. Мам сола өгуреч ваон да курыд зеляён юктөдө — кевмө, мед бурдас. Ыджыд мам быд асыв веж бадьла кайлө — вердө да лыддьөдлө, мед бурдас.

Сувтис өд, ловзис бөр, мичмис көзаным, йөлөн чөсмөдлысьным. Мам телефонөд шуө: «Слабог, бурдіс көзаным. Отсаліс сола ваыд». Ыджыд мам паныдасигөн висьталө: «Көзаным бурдіс, слабог. Баддьыд вынсө сетіс». Нюмъяла: вот и бур, вот и бур. Дерт, и солыд отсаліс, и баддьыд, и ыджыд радейтөм, и помтөг эскөм...

Кымөрысь войтышті да өшии турун лапйө. Рөмпөштанө моз меө видзөдчисны шөвк бордья бо-бувьяс. Өшкамөшка сьвкнитіс ме пыр уна рөма бөжнас да мавтыштіс здук кежлө ставнас ывласө. Чирк ворсөмысь ловнам тірзылі да йөктылі турун лап вылын. Меө инмылігөн югыдыс дзирдовтліс эзысь киньясөн. Вөр-ваыс ставнас йөжгыльтчыліс пытшкөсам да оліс сәні мөд, сөзджык олөмөн. Ме лөлі шуда. Но воис кад — менө бөр нюльштіс шондіыс да лыбөдіс помтөм енэжө!

Арся туйод йылөмгыасой шлапиктöны школаө. Кузь да паськыд туйö петöмаось чоя-вока. Пернапасала найöс да кевма воча локтысь бур йöзöс, ичöt сьölөмгыасас радлун да паныдасьсь гуранмыльксö вуджан вын.

Еджыд бордйөн андел сайöдö улын тыдалысь мыгөръяс. Бур туй, шондяс. Бур туй!


Коктöм понйыс ачыс локтис мяян дорö. Видзöдлис выланым жугыль синнас да и кольчис век кежлö.

Мышкыртчöм ёкмьылысь эз нин позь казавны тöрытъя винёв понйöс, кодi лунысь-лун весьтасалис вöрсö вомөнног — увтис кöзяиныслы сьöла-тарöс, чöсмöдлис уна челядя гозъяöс пöтка шыдөн. Уна вося ёртасьöм орис öти арся луно орöм лапаяскöд öттшöтш. Сьöлаöс корсигөн пон эз казав ош капкан да тувчис сэтчö воддза лапанас. Сэсянь эз кут ковны кöзяиныслы. Урöсаыд. Кöдзыд лои кедзовтысь йöз дорын. Мунис...

Петi бывлаө. Ёна нин тöлөн öвтö. Мам кисьтö выль олысьлы яя шыд коляс, челядь котралöны гөгöрыс да нюжöддöны кисö понланьö — малыштöны ныр дорсö, мышсö, бöжсö. А вок мöдöд лун нин тотшкöдö-вöчö чом — выль ёртыслы локтысь кöдзыдъясысь дзебсянин...



Пон. Серпасалис Кристина Петрова, Ю. А. Спиридонов нима Коми Республикаса Юралысь бердын искусство гимназияын 6 «в» классын велöдчысь.



Чирк. Серпасалис Максим Михайлов, Ю. А. Спиридонов нима Коми Республикаса Юралысь бердын искусство гимназияын 6 «в» классын велöдчысь.

ВЫЛЬ НИМ

Полина Игнатова таво лои «Выль нимъяс» республикаса конкурсын вермысьон. Чолӧмалам Полинаӧс да сиам выль гижӧдъяс!



Полина ИГНАТОВА

Кодзув

Кӧдзыдыс скӧраліс, трачкӧдчис керкаас. Пемыд рыгтя енэжас петіс югыд кодзув, видзӧдліс чача кодъ мича керка ӧшиньясас.

Карп пукаліс да нускис-вӧлаліс гӧтырыслысь чӧрссӧ, мичмӧдліс быдсяма серӧн. Карплӧн ставыс баситӧма, сійӧ киподтуя том коми морт. Ӗкуль лайкйӧдліс писӧ да нургис-сьыліс. Кань кургис да наян синнас видзӧддывліс мама-пиа вылӧ. Ывлаас увгис вой тӧв, пач трубаӧдыс видліс пырны, но юшкаас вартчӧмӧн бӧр петіс да скӧра шутӧвтіс. Иллюш повзискодъ тайӧ шысьыс, но аддзис, мый бать-мамыс и весиг каньыс лӧня олӧны, да эз бӧрддзы. Сэсся Илля казяліс ӧшиньӧд енэжын югтя-лысь кодзув.

- Мам, эсійӧ кодзулыс менам? - юаліс детинка, ӧд сылы висьтавлісны, мый быд мортлӧн эм аслас кодзув.

- Тэнад, эзысь пи, тэнад. Став кодзулыс тэнад, став войвылыс и. А тэ - налӧн.

Илля пуксис да кутіс видзӧдны кодзув вылас. А кодзув видзӧдіс Илля вылӧ. Найӧ эз на тӧдны, мый енӧлаын найӧс йитісны, мый найӧ кутасны вуджны олӧм ордымсӧ ӧтлаын. Став сьӧкыддунсӧ венны кык вылӧ. Кодзув лоӧ Иллюшлы медбур ӧртӧн, кутас тӧдны верстыӧ Карп Иллялысь став шогсӧ да шудсӧ. А ӧні - трачкӧдчӧ кӧдзыд, батыс мичмӧдӧ чӧрс, мамыс сьылӧ. Эзысь пилӧн синмыс куньсис, кага ланьтіс. А кодзув гусьӧник нимкодясис узьысь зонмӧн.

xxx

Лэбаліс бобув.
 Кыптісны каръяс.
 Ёнджыка скормисны йоз.
 Киссисны каръяс.
 Лэбаліс бобув.

xxx

Сывла, сывла,
 Усьла, лэбла,
 Серавла да бёрдла,
 Пуксьывла и сувтла.
 Коркё татысь мунла.
 Мёдлаын нин сывла,
 Мёдлаын нин бёрда,
 Сьолёмос ме выляс
 Сідзи эг и көртав.

xxx

Пемыд войын гымаліс,
 Шлявгис пемыд да сьокыд зэр.
 Кодкё ошиньё кокниа вартыштіс.
 Ёртёй шогнас воома, көть и оз бёрд.
 Восьті ошиньос паськыда,
 Кисьті посьсьыс-пось чай.
 Дзигөді ёнасьыс-ёна,
 Дона мый татшөм, эг чайт.

Ёрткөд джынъялөм зынтурун - кык пөв абу курыд.
 Ёрткөд джынъялөм туй - кык пөв дженьыд.
 Ёрткөд джынъялөм кампет - кык пөв юмов.

xxx

Ме - эм, ме - абу. Ме.
 Ме кыв, ме и вөчөмтор.
 Ме - арыслөн лолыс,
 Ме - тулыслөн войыс,
 Ме - ошымса лым чир,
 Ме - гожся шонді.
 Ме - ставыс да быдөн,
 Ме - некод и некөн.
 Ме - аслам нор кывбурын.
 Ме - аслам серамын.
 Ме - абу. Ме - эм. Ме.

Серпасаліс Максим Михайлов, Ю.А.Спиридонов нима Коми Республикаса Юралысь бердын искусство гимназияын 6 «в» классын велөдчысь.



МӨВПАЛАН СЕР

Кыззи чужо серпас? Та выло век зэв съоқыг корсыны вочакыв. Серпасо йиджтысьо уна нэмөн чукормом да поль-пючсъянь воом вежор, серпасалысьлон талунъя оломсо ас моз агдзюм да ловлон енкюласо оти зрукю шымыртны позяна вын. Серпасалысь, кыззи и гижысь, вуджодго съолөмкыломсо кабала выло. И ачыс помодз оз тод, кутшом выль ловшы чужас боръя зрукю. Артмас ко серпас-гижодыс, оломыс бара на тырас радлунон.

И некор серпасалысь оз вермы стюча висътавыны, мый дзедома сылон уджас — од быд съолөм кыло серпасо ас моз... Со кыззи том гижысьясы восою Павел Микушевлон «Миф чужом» серпас:

Василий ЧУПРОВ


Тайо серпасысь адза сёрни. Кык видзодласа сёрни. Муню кутшомко лонь венласьом. Оломад тай век жю муню кутшомко венласьом. Тайо серпасас, гашко, оломсо и серпасалома. А гашко, сомын олом йылысь сёрни.

Ольга БАЖЕНОВА

Кык ёрт сёрнитюгкостю кутшомко звер косийю апыштны шондисю, а лэбачысыс повзюмаюсь да весиг оз кокыштны злодейсо.

Татьяна ШАХОВА

Медводдза видзодлассянь на кыско серпасыс шонид горд да виж ромъяснас. Паськыд бордъя лэбачысыс — кык символ, кык культура. Висъталысьос кытшалысь еджгов ромыс серпасын — состюмлун, отувтчюм. Кывзысьысь сайын зарни-горда серъясыс — сийю шонди, асья, тувсовъя. Сэтшюм и мортис, восою да пыдди пуктысь. Со мойдысьлон кывъясысь ловзю змейлон образ, кодынь восою помтюм да векся гусятюр. Модыс мудера кывзю, да и аслас эм юксянтюр...



Ольга ЛЮТОВА

Мен чайтсью, мый серпасалома кык поколениельсь оломсо. Олома Морт висътасью воддза йозлон съоқыд олом йылысь (пемыд фон). Том мортлон оломыс югыдджык (югыд фон). Кыкнанныслон юр весьтас лэбач — югыд лунлон символ. Тайю югыд лунъясыс пыроны йоз оломю, и пемыд, съод оломыс югдо. Но кык поколение костын эм тшупод — съоқыд воны оти кывийю.

Наталья ДЁМИНА

Пукалюны первобытною морт да ония морт и сёрнитюны оломсо.

Татьяна ЮГОВА

Некод абу, нинюм абу...

Гюгор Ва...

То пузю портийын моз...

То йион вольсасю...

Инас оз ошйы, люня оз кывт!

Дыр ли регыд кывтас,

Некод оз тод, нинюм оз шу...

Отчюд Ваысь чужас Му...

Ва койыштас му выло кык войт.

Кык Войт и оны на эмюсь...

Ота-модтогыс оз овны...

Зэв нин порысьюсь —

Шуд войт да Дой войт...

И тиян съолөмодз поздысьлоны...

Татьяна КИРПИЧЕНКО

Тани серпасалома Иисусюс. Иисус пукало кутшомко цар водзын да висъгалю мортислы енэжса олом йылысь, да медем мортис эскас сылы, петкодло вювлытюмтор — лэдзю соссыс змейюс. Змейыс дзык пыр лэзю шондилань. Вылынджык лэбач да муртса на чужысь лэбач лов тшотш жю нюждючюны шондилань. Серпасыс югыд. Сийю сетю мянлы выль, бурджык олом выло надея.

Лист боксо гасътис Алёна СТАРЦЕВА



Редколлегия :

Елена Афанасьева, Юрий Лисовский, Алёна Нестерова,
Галина Макарова, Григорий Хатанзейский.



ATHABASCS

H 5 12 19 26
B 6 13 20 27
C 7 14 21 28
F 1 8 15 22 29
H 2 9 16 23 30
C 3 10 17 24 31
B 4 11 18 25

NAAM

H 4 11 18 25
B 5 12 19 26
C 6 13 20 27
F 7 14 21 28
H 1 8 15 22 29
C 2 9 16 23 30
B 3 10 17 24 31

CHERRILS

H 7 14 21 28
B 1 8 15 22 29
C 2 9 16 23 30
F 3 10 17 24
H 4 11 18 25
C 5 12 19 26
B 6 13 20 27

SEBASCS

H 2 9 16 23
B 3 10 17 24
C 4 11 18 25
F 5 12 19 26
H 6 13 20 27
C 7 14 21 28
B 1 8 15 22

WIKS

H 1 8 15 22 29
B 2 9 16 23 30
C 3 10 17 24
F 4 11 18 25
H 5 12 19 26
C 6 13 20 27
B 7 14 21 28

OKS

H 5 12 19 26
B 6 13 20 27
C 7 14 21 28
F 1 8 15 22 29
H 2 9 16 23 30
C 3 10 17 24 31
B 4 11 18 25

NAPI

H 2 9 16 23 30
B 3 10 17 24 31
C 4 11 18 25
F 5 12 19 26
H 6 13 20 27
C 7 14 21 28
B 1 8 15 22 29

WIKS

H 6 13 20 27
B 7 14 21 28
C 1 8 15 22 29
F 2 9 16 23 30
H 3 10 17 24 31
C 4 11 18 25
B 5 12 19 26

WIKS

H 2 9 16 23 30
B 3 10 17 24
C 4 11 18 25
F 5 12 19 26
H 6 13 20 27
C 7 14 21 28
B 1 8 15 22 29

AMPEFS

H 6 13 20 27
B 7 14 21 28
C 1 8 15 22 29
F 2 9 16 23 30
H 3 10 17 24
C 4 11 18 25
B 5 12 19 26

ABYCF

H 3 10 17 24 31
B 4 11 18 25
C 5 12 19 26
F 6 13 20 27
H 7 14 21 28
C 1 8 15 22 29
B 2 9 16 23 30

BERAS

H 7 14 21 28
B 1 8 15 22 29
C 2 9 16 23 30
F 3 10 17 24 31
H 4 11 18 25
C 5 12 19 26
B 6 13 20 27

Со и Вэль 2015 во ма-
тыстчө. Вайё тōдма-
лам, мый вōзйōны миян-
лы кодзувьяс Кōза воө.

2015 ВО К





Овен

Овенлы ковмас пуктыны уна вын да терпение, медым воыс артмис лочки-бурөн. Кōсийōмьяс оз кутны артмыны дзик пыр, но та вылō видзōдтōг, ки лэдзны оз позь, быд удж колō вōчны помōдз. А сэссия тэрмасьтōг виччысьны, кор ставыс ладмас.



Телец

Телецды 2014 во вайё выль вын, выль мōвпьяс. Сылон вежсяс олōм вылō видзōдлас, содасны кōсийōмьяс, кутшōмсьурō планьяс ковмас вежны. Телецōс виччысьō бджыд радейтчōм.




Близнецы

Близнецьяс Кōза воө кутасны зильны-уджавны, и тайō уджыс оз коль весьшōрō. Лэдзчысьтōмлун да повтōмлун отсаласны венны став мытшōдсō. Радейтчōмын тшōтш лоōны бурланьō вежсьōмьяс, сōмын колō кывзыны сьōлōмтō.

Рак

Ракōс виччысьō и уджын, и радейтчōмын выльторьяс вылō зэв озыр во. Уна сикас лоōмтор ваяс аскōдыс юалōмьяс, а корсьурō и мытшōдьяс, но Раклōн ставыс кутас ладмыны, сōмын колō пуктыны вын.




Лев


Левлы колō кывзыны ассьыс сьōлōмкылōмсō: сийō отсалас вōчны ставсō колана ног. Радейтчōмын вермасны лоны нейджыд мытшōдьяс, но найōс артмас венны, видзōдны кō на вылō мōд синмōн.

Дева

Девалы ковмас венны велōдчōм да удж кузя уна мытшōд, та вылō мунасны вын да кад. Колана отсōг сетасны матысса йōз. А вот радейтчōмын, мōдарō, ставыс сōмын бур боксянь тыдвотчō.



ЕЖЛӨ ГОРОСКОП




Весы

Весылы колö виччысьны 2015 воын уна выльтор, ставыс кутас артмыны кокниа да лöсьыда. Дерт, сьöкыд-лунъяс лоöны, но найö оз торкны Весылысь олöм вылас кыпыд видзöд-лассö.




Скорпион

Скорпионлы колö велöдчыны петкöлыны асьсö сöмын бур боксянь, тайö ёна отсалас водзö олöмын. Ыджыд шуöмъясөн тэрмасьны нин-öмла, медводз колö ставсö гөгöрбок видавны да мөвпалыштны медбур туй йылысь.




Стрелец

Стрелецöн во лоö бурөн и велöдчöмын, и уджын, и радейтчöмын ставыс ладмас. Сöмын том Стрелецлы колö неуна видзчысьыштны выль тöдсясысь, найö вермасны кокниа пöръявны.



Козерог

2015 во ваяс мытшöдъяс, но Козероглөн этш да олöм вылö видзöдлас отсалас найöс венны. И оз ков вунöдны - радейтана морт век локтас отсöt вылö.




Водолей

Водолейлы колö топыда зильны-уджавны, виччысьны асьянь вермөмъяс позяс сэк, кор уджö лоö пуктöма уна вын. 2015 во тöдмөдас уна выль йöзкөд, найö пыртасны Водолей олөмө выльторъяс.



Рыбы

2015 во лоö лөнъ велöдчөм да удж боксянь, но ставас, мыйö кутчысьö Рыбы, кутас артмыны мытшöдъястөг. Радейтчöмын жö лоö уна выльтор: выль тöдса садъмөдас ён сьöлөмкылөм.



ГӨСТИТИМ

Декабрын ми - Сыктывкарса 38 номера школаысь 4 «д» клас-сын велөдчысьяс, миян велөдысь Надежда Михайловна Аврина да ӧткымын ные-зонлӧн бать-мам - ветлім Архангельск областьса Яренск сиктын меститчӧм Матушка-Тӧвлӧн резиденцияӧ.

Аддзысьлім Тӧвкӧд

Тайӧ ыджыд да мича сиктыс вочааліс миянӧс зэв шоныда. Медводз ветлім историко-краеведческой музейӧ. Сэтчӧс уджалысьяс висъятавлісны Яренсклӧн история йылысь, сідзжӧ тӧдмалім, кутшӧм вӧрса пемӧсьяс олоны сэтчӧс вӧр-ваын. Таысь ӧтдор ми зэв сюся кывзім уна во сайын олысь крестьяна да вӧра-лысьяс йылысь, тшӧтш и сиктса важся озыр йӧзлысь олан эмбурсӧ аддзылім.

Музей бӧрын ми мунім Матушка-Тӧвлӧн резиденцияӧ. Сэні миянӧс вочаалісны Тӧвлӧн отсасысьяс - мойдыввса геройяс. А сэсса и ачыс Матушка-Тӧв петіс. Дзик пыр и ӧлӧдіс, мый сылӧн йиа керкаын вӧрӧдны нинӧм оз позь - сылас ставыс.

Ставсӧ гӧгӧр видзӧдӧм бӧрын ми ворсім, пуксылім сылӧн трон вылӧ да мӧвпыштім гузя кӧсйӧм-нымӧс, а сэсса и ӧтув мича лым чир дасытім. Матушка-Тӧв козьналіс ставнымлы йитор сям кулон. Медбӧрын ми пӧттӧдз ислалім ватрушкиӧн да катайтчим вӧвъясӧн.

Сэтшӧма миянлы кажитчис Тӧв дорын гӧститӧмысь! Аттьӧ Матушка-Тӧвлы да сылӧн отсасысьяслы миянӧс бура воча-алӧмысь.

Сыктывкарса 38 номера школаысь 4 «д» класса велӧдчысьяс.



Ми юасим том йөзлысь, кытөн эськө найө окотитисны гажөдчыны Вэль во войө? И со кутшөм вочакывъяс кылім...



позьтөм

Вүнөдны Вэль во

Виктория ЛИТВИНЕНКО,

23 арөс:

- Ме вель ёна радейта Санкт-Петербург кар, ичөтдырйи сэни олі, а сэсса мам-баткөд вуджим Сыктывкарө. Но өнөдз на казтывлва Петербургылысь мичсө. Меным зэв окота паныдасыны Вэль во радейтана зонкөд тайө кыпыд карас.

Артём ПАРФЁНОВ,

28 арөс:

- Семья - тайө меддона да медрадейтана йөз. Уджалігад матыссаясла вичмөдан вывті нин этша кад. А Вэль во - сідз шусяна семьяпытшса празник, та вөсна ёна окотита пасйыны Вэль во гортын мамкөд да пөчкөд, ас киөн мичмөдөм коз дорын. Таысь бурыс нинөм абу.

Ксения ТАУБИНА,

22 арөс:

- Ме көсья пасйыны Вэль во мойдын моз, бал вылын, кок улөдз мичасьыс-мича платтёөн. Йөктыны вальс ловъя музыка улө, а бөрынджык иславны даддьөн да конькиён. Дзик сар дорын моз гаж артмис эськө!



Александра ИЛЬИНА,

33 арөс:

- Вэль во колө пасйыны аслыспөлөса да сідз, медем казтывлыны сы йылысь весиг гожөмын. Вөр шөрын, карасина лампаөн югдөдөм вөр керкалөн ичөтик жырйын - мый вермас лоны бурджык? А Президентлысь шыөдчөм позьө и радио пыр кывзыны.

Софья ПЫСТИНА,

25 арөс:

- Ме радейта быдсикас вьлторсө, аслыспөлөссө, да позьө шуны, экстремальнөйсө. Вот и Вэль во окота меным пасйыны енэжын, Москва-са Гөрд площадь весьтын лэбалысь ыджыд шар вылын. Збыльмас-ө коркө ыджыд көсьөмөй?

Лиля ПОПОВА,

20 арөс:

- Вот эськө радейтана морткөд пасйыны Вэль во Парижын! Мича уличьяс, быдсикас би, йөзлөн аслыспөлөс, мөд оласног. Ставыс быттё небөгса серпас вылысь...

Татьяна ЩЕДРИНА,

23 арөс:

- Быд во паныдала Вэль во гортын, Инта карын. Мукөддырйи овывлө сэтшөм көдзыд, мый гортысь он и лысьт петнытө, та понда ме важысянь нин окотита пасйыны Вэль во ылі странаын, саридз дорын. А думыштны кө, быдлаын лөсьыд, мед сөмын радейтана морт вөлі дінад.

А тэ эськө, гона лыддысьысь, көні көсьян паныдавны Вэль вотө?



Вильвося пызантö пыр окота мичмөдны да мыйкө вильтор вöчны. «Йөлөгаса» Дашук вөзий дасьтыны чөскыд да мичаа видзөдчысь бутербродъяс.



**Дашук
ВЕЛОДО**


Вильвося пызан вылө чөскыдтор



Треска черысь

Колö: треска мускысь 2 банка (100 граммöн), 3-4 чипан кольк, тертука пыр лэдзöм сыр, майонез, батон, 2 чеснок тор, укроп, лук.

Батонсö вундавны торъяс вылө да жаритны тостерөн либö этша выя скөвөрöданын. Чипан кольксö посньöддыны, трескалысь муссö лямöдны вилкиöн. Öтлаöдны сырөн, посньöдлөм укропöн да майонезөн. Ас көсийöм серти батонсö мавтны чесноккөн да пуктыны сы вылө артмөдөм гудрассö. Пызан вылө вайны укроп-лук пуктöмөн.



Гөрд пөккысь

Колö: нянь, гөрр пөк, мөс вый, лимон, укроп, петрушка.

Няньсö вундавны вöсньыда (позьö сьöлөм, ромб, козув мыгөръяс вöчны). Мавтны мөс выйөн оз сöмын веркөссö, но и боксö. Сэсся бокнас ляклыны посниа вундалөм укропö - артмас турунвиж дорыша. Пуктыны бутерброд вылө пөксö, мичмөдны лимонөн да петрушкаөн. Бутерброд боксö позьö мичмөдны кулинарнöй шприц отсöгөн, мөс выйысь, шуам, вöчны дзоридзьяс.

«Енгаг»

Колö: батон, гөрр чери, мөс вый, помидор, маслины, петрушка.

Торйöдны гөрр черисö лысьыс, вундавны вöсньыда. Быд батон кусок вундыны джын вылө да мавтны мөс выйөн. Вылас пуктыны чери тор. Помидорсö вундавны джын вылө. Быд юкөн вундыны оз помöдзыс, а медым артмис енгаглөн бордыс.

Шуда Виль воён!



ТӨД ВЫЛӨ

Выль во - медся кыпыд гаж. Медым сы бөрын коланы сөмын бур казты-лөмъяс, колө төдны безопасныт правилө, өд буретш выльвося гаж дырйи медся «пөсь» кад би кусөдчысылы да бурдөдысылы.

Пасьям Выль во кужөмөн**Выльвося пызан**

Бурдөдчанинө веськалөны выльвося пызан понда. Аллергия вермас босытны гежөда паныдасылысь, сідз шусяна экзотическөй либө төрыгытя сөян-юанысь. Челядылы колө видзчысьөмөн сетны саридзса сөян, быдсикас специй да быдпөлөс «газировка». Тшөтш и курыд юанторйысь верман бурдөдысь дорө веськавны. Колө сөйны сөмын на дасытөм, буре төдса сөян-юан.

Видзчысь биысь!

Пөжарыд тшөкыда овлө Выль во дырйи. Йөз сэтшөма гажөдчөны, мый вунөдчөны биөн вөдитчан индөдыс йылысь. Öйөмлөн медшөр помкаыс - выльвося коз, лөк гирлянда, эновтөм электроприбор. Вөдитчы сөмын заводын вөчөм гирляндаөн, өд китайскөйыд тшөкыда öзйылө.

Выльвося козтө эн мичмөд өдйө öзйысь баскиөн, шуам, ватаөн да сисыкөн. Керкаысь мунигөн кыскы розеткаысь став электроприбор. И весиг гортад олигөн минут кежлө эн коль включитөм гирлянда, торйөн нин кор посни челядэ эмөсь - найө вермасны уськөдны ас вылас коз, доймыны чачаөн. Эн пукты козтө пач дорө матө, эн öзты гортад бенгалскөй би, хлопушка. Козйыдысь гыалөм лыссө өдйө чышкы. Эн мичмөд козтө аэрозоль краскаөн да искусственной лымйөн. Оз позь кольны челядэтө йигналөм керкаын - пөжар дырйи оз вермыны петны.

Сикт-грездын кө вочаалан гажтө - видзчысьөмөн ломты пач. Төд, кор колө тупкыны юшкасө, мед он кольмы, а кольмин кө - дзик пыр пет ывлаө, восьтав öшиньяс. Пач вомысь вермас чеччыштны бикинь, öзъялысь öгыр. Öти кывйөн кө, колана ногөн вөдитчы биөн.

Ывлаын

Ывлаын быдсямаыс жө вермас лоны. Вөдитчы сертифицируйтөм пиротехникаөн, öзты найөс, медым матигөгөрын эз вөв некутшөм керка, йөз. Фейерверк-ракета вермас веськавны балконө, йөрө, тшыкөдны машина да мукөдтор. Тшөкыда доймалөны кужтөма да видзчысьтөма öзтөм петарда-фейерверкысь - воштөны чуныас, сотөны син-чужөм.

Выль во дырйи шоныда пасытась, өд тшөкыда тайө кадө кынмалөны ывлаын дыр олөмысь.



Буре вочаав Выль 2015 во!

«Йөлөг» («Эхо») газет

Гл. редактор
Г.В. МАКАРОВА

том йөзлөн мытшөдыс
юкөнөн веськөдлысь –
Мария Игушева;
письмө юкөнөн
веськөдлысь –
Екатерина Микушева.

Редакциялөн адрес:

167982, Сыктывкар,
К.Маркс улица,
229-өд керка,
401-402 кабинетъяс.

Тел. 24-12-22, 24-36-49.

E-mail: Yologa@mail.ru



Газет йөзөдысь:

«Коми йөзөдчан керка»
Коми Республикаса
автономной учреждение.

Веськөдлысь
В.В. ПОПОВ

Адрес:

167982, Сыктывкар,
К.Маркс улица,
229-өд керка.



Газет панысь:

Печать да юр сетан Коми
Республикаса агентство.

Адрес:

167982, Сыктывкар,
К.Маркс улица,
229-өд керка.



Регистрируйтөма

2007 вося ноябрь 28 лунө
йөзлы юр сетөм да
культура озырлун видзөм
кузя оланпасыас збыльмөдөм
бөря видзөдысь
федеральной службалөн
Беломорской управлениен.
Регистрируйтан пас:
ПИ №ФС 3-0686.

Социальной төдчанлуна
гижөдыас йөзөдөма «Коми
йөзөдчан керка» автономной
учреждениелы печать да юр
сетан КР-са агентствоөн
вичмөдөм сьөм вылө.



Авторъяслөн мөвпяс оз
пыр лөсявны редакциялөн
видзөдласкөд.



51-52 №№ (1176-1177).

Тираж – 500.

Гижөдчан индекс – 52099.

«Йөлөг» газет петө
1991-өд восянь
вежоннас öтчыл, комиөн.
Доныс сөрнитчөмөн.



Печать кырымалан кад:

график серти –
24.12.2014, 16.00.
кырымалөма печать –
24.12.2014, 16.00.

Газет печатайтөма
«Коми республиканской
типография» ООО-ын дась
оригинал-макетъясысь.

Типография адрес:

167610, Сыктывкар,
В.Савин улица, 81.
Заказ №

Дона да пьдди пуктана лыддысьсысь!
Чолѡмалам тэнѡ Вьль 2015 воѡн!
Мед локтан воис ваяс тэннд
нош тыр шуд да крещнд дзоньвидзалун!
Мед эськѡ курант гоньгигѡн
мѡвпыштѡм став гуся кѡсйѡмнд збыльмас!
Вьль воѡн! Вьль шудѡн!

«Йѡлѡга» газет редакциян уджалысьяс.

